

Pli paucs, dentant pli gronds

Reducziun marcanta dals manaschis purils en Svizra ed en Grischun

DA MARTIN CABALZAR/FMR

■ En il decurs dals ultims 20 onns è bunamain ina terza dals manaschis purils en Svizra svanida. Ils manaschis restants èn dentant vegnids marcantamain pli gronds. La surfatscha cultivada da l'agricultura è dentant sa reducida entaifer dus decennis mo per 2,6 pertschient. Las tendenzas dals ultims onns sa cuntinueschan er per 2019 sco ch'i resorta da las cifras da l'Uffizi federal da statistica publicadas quests dis. Tenor infurmaziun da *Daniel Buschauer*, il schef da l'Uffizi chantunal d'agricultura e geoinfurmaziun, constateschan ins las medemas tendenzas er en il Grischun. Tant reduziuns sco augments sajan qua, dentant sut la media svizra. Quai saja d'attribuir cunzunt alla topografia ed a las structuradas da manaschi che sajan en il Grischun pli pitschnas ch'en la Bassa. Sco quai che Buschauer ha punctuà vers la FMR speran ins che la digren dals manaschis purils na cuntinueschia betg cun tal tempo sco ils ultims onns. I giaja cunzunt era per segirar las existenzas da las famiglias purilas e per garantir vinavant la colonisaziun decentrala da nossas valladas muntagnardas, nua che l'agricultura saja ina ferma pitga.

L'onn 2019 han ins registrà en il Grischun 70 508 armauls armentivs, 44 013 nursas, 11 305 chauras, 5435 pors, 111 881 giaglinam, 563 tschiervs da chasa e 371 lamas u alpacas. Il dumber da las singulas spezias saja detg constant e dependia dal martgà, ha ditg Buschauer.

Adina pli paucs manaschis purils

L'onn 2019 han ins registrà en Svizra 50 038 manaschis purils, 1,6% pli pauc che l'onn precedent. Tut en tut cultivatechan 150 100 persunas ina surfatscha agricula dad 1,04 milliuns hectaras. Sa



Onn per onn svaneschon radund 750 manaschis purils en Svizra, il dumber d'animals resta dentant detg constant.

FOTO SOMEDIA

reduci per 1,7% è il dumber da vatgas da latg ed il dumber da portgs per 4,1%, entant ch'il dumber dal giaglinam è creschì per 2,5%. Ils pli blers manaschis purils datti vinavant en ils chantuns Berna (10 254), S. Gagl (3904), Turitg (3258). L'onn passà han sulet en il chantun Berna 142 purs chalà cun lur manaschi, a Turitg èsi stà 88, en il Vallais 89 ed a Lucerna 67. Creschì vinavant è dentant il dumber da manaschis biologics sin 7284 manaschis (+3,8%). En il Grischun èn 63% dals affars agriculs manaschis biologics, per lunschor il record svizzer. En Svizra vegnan 16% da las surfatschas agriculas cultivadas a moda biologica.

Entant ch'il dumber da manaschis sa reducescha permanentamain vegnan ils manaschis restants adina pli gronds. Radund 43% dals manaschis cultivatechan ina surfatscha da 20 hectaras e dapli. L'onn 2019 eran 150 100 persunas engaschadas en l'agricultura, quai che correspunda ad ina sminuaziun dal 1,5%. Da quellas

eran 12% da naziunalitad estra. Ina gronda part (55%) da las forzas da lavur occupadas en l'agricultura lavuran parzial, dapli che trais quartas èn confamigliars.

Adina pli paucas vatgas da latg

Sco ils ultims onns è era sa reduci l'onn passà il dumber da bestga armentiva (minus 1,2%) e cunzunt da las vatgas da latg. (minus 1,7%). Dapi 1999 è il dumber da vatgas da latg sa reduci per 19%, il dumber da tals manaschis schizunt per 47%. Adina dapli calamita ha er la produczion da chorn sin basa biologica. Il dumber da las vatgas mamma è creschì entaifer in onn per 2,2%. En il decurs dals ultims 20 onns è lur dumber creschì da 41 200 (1999) sin 128 300 (2019). Tar la tratga da portgs è il dumber da manaschis sa reduci per 5,7% sin 5800 manaschis, il dumber da portgs per 4,1%,

In creschament han ins dentant registrà tar il giaglinam, numnadamain in plus da 2,5%. Praticamain sin il medem

nivel sa stagnescha il dumber da nursas e chauras. Grondas muntaneras da nursas datti cunzunt en ils chantuns Berna, Grischun, Vallais e S. Gagl. Trais quartas dals elevaturs d'animals manidels fan produczion biologica.

Pli pauc furment e ravas da zutger

Da la surfatscha agricula èn 605 700 ha (58%) pràds, pradas e pastgiras 605 700 hectaras (38) ers, 13 400 ha (4%) vits e 7000 ha plantaschas da puma. Sa reducidas èn las surfatschas da farina da furment, da ravas da zutger e da legums. Creschida marcantamain per 9,8% è la surfatscha da flurs-sulegl. Creschida ferm è er la produczion d'avaina (+5,2%), tredi (+6%), medemamain da chonv e lentiglias.

Sin 16% da la surfatscha vegnan producidos products biologics. Il record da manaschis biologics vegn resgistrà en il Grischun e quai cun ina cumpart da 63%.